



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՍԻՏԵ

ք. Երևան, Ս. Դավթի 87ա

«27» փետրվարի 2019թ.

Ո Ր Ո Շ ՈՒ Մ No. 298/04-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետի ժամանակավոր պաշտոնակատար Ն.Ավանեսյանս քննարկելով ԱՐԹՈՒՐ ՀԱՐՈՒԹՅՈՒՆՅԱՆ Ա/Ձ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների ԱՐԹՈՒՐ ՀԱՐՈՒԹՅՈՒՆՅԱՆ Ա/Ձ-ի (ՀՎՀՀ՝ 27836214, անձ. AK0583410, հասցե՝ ք.Երևան, Լևոնյան 6ա, գրանցման համարը՝ 271.03721) չկատարված հարկային պարտավորությունը «07» փետրվարի 2019թ.-ի դրությամբ կազմել է 2.091.296 դրամ, որից ապառք՝ 1.330.827 դրամ, տույժ՝ 655.469 դրամ, տուգանք՝ 105.000 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին «07» փետրվարի 2019թ-ին հարկ վճարողը ՀՀ ինտերնետային ծանուցման պաշտոնական կայքի միջոցով պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ ԿԱ ՊԵԿ իրավաբանական վարչության պետի կողմից 31.08.2017թ-ին կայացվել է չկատարված հարկային պարտավորությունները գանձելու մասին թիվ 1137/04 որոշումը, որի շրջանակներում վճարման ենթակա գումարը կազմում է եկամտային հարկ՝ 32.378 դրամ տույժ, շրջանառության հարկ՝ 146.432 դրամ տույժ, 18.12.2017թ-ին թիվ 3508/04 որոշումը, որի շրջանակներում վճարման ենթակա գումարը կազմում է եկամտային հարկ՝ 58.394 դրամ տույժ, շրջանառության հարկ՝ 45.237 դրամ տույժ, 09.08.2018թ-ին թիվ 2994/04-Ա որոշումը, որի շրջանակներում վճարման ենթակա գումարը կազմում է եկամտային հարկ՝ 335.195 դրամ, որից ապառք՝ 217.157 դրամ, տույժ՝ 118.038 դրամ, շրջանառության հարկ՝ 208.025 դրամ, ապառք՝ 126.525 դրամ, տույժ՝ 81.500 դրամ, 11.02.2019թ-ին թիվ 3066-4Ա որոշումը, որի շրջանակներում վճարման ենթակա գումարը կազմում է եկամտային հարկ՝ 212.485 դրամ, որից ապառք՝ 207.000 դրամ, տույժ՝ 5.485 դրամ, շրջանառության հարկ՝ 183.340 դրամ, ապառք՝ 182.792 դրամ, տույժ՝ 548 դրամ, որոնք ներառված չեն սույն որոշման մեջ: 07.02.2019թ-ի դրությամբ պարտավորության մեջ 105.000 դրամ տուգանքի գումարը ընկերությանը առաջադրվել է 27.11.2017թ-ի թիվ 2138450 ստուգման ակտով, ուստի նշված գումարը սույն որոշմամբ ենթակա չէ գանձման: Ինչպես նաև հարկ վճարողը կատարել է վճարումներ միասնական հաշվին, որից մարել է սոցիալական վճար/ամսական/ 7.771 դրամ, որից ապառք՝ 7.500 դրամ, տույժ՝ 271 դրամ, շրջանառության հարկի ապառք՝ 40.499 դրամ, եկամտային հարկի ապառք՝ 79.156 դրամ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում 637.384 դրամ, որից՝

եկամտային հարկի գծով պարտավորությունը կազմում է 291.681 դրամ, որից ապառք՝ 196.843 դրամ, տույժ՝ 94.838 դրամ, որն առաջացել է 2018թ-ի հուլիս-սեպտեմբեր ամիսների հաշվարկներից և ՀՀ հարկային օրենսգրքի 401 հոդվածի համաձայն հաշվարկված տույժերից,

շրջանառության հարկի գծով պարտավորությունը կազմում է 345.703 դրամ, որից ապառք՝ 273.355 դրամ, տույժ՝ 72.348 դրամ, որն առաջացել է 2018թ-ի 2-3-րդ եռամսյակների հաշվարկներից և ՀՀ հարկային օրենսգրքի 401 հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 9-րդ մասով և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. ԱՐԹՈՒՐ ՀԱՐՈՒԹՅՈՒՆՅԱՆ Ա/2-ից գանձել 637.384 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողին ՀՀ ինտերնետային ծանուցման պաշտոնական կայքի միջոցով ծանուցելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏԻ ժ/դ



Ն.ԱՎԱՆԵՍՅԱՆ